

Groth, Klaus: Ik weer mal junk un schön (1859)

- 1 Ik weer mal junk un schön,
- 2 Dats nu ni mehr to sehn.
- 3 Ik harr de Rosen op de Back,
- 4 Ik harr de Lucken um de Nack;
- 5 Wa weer ik junk un schön!
- 6 Wa weer ik junk un schön!

- 7 Ik sung vœr Lust un Moth,
- 8 Ik sung vœr Kleen un Grot,
- 9 Un Alle, de mi hörn un sehn,
- 10 De sän, ik weer so junk un schön.
- 11 Wa harr ik Lust un Moth!
- 12 Wa harr ik Lust un Moth!

- 13 Ik dach ni an de Noth,
- 14 Ik dach ni an den Dod.
- 15 Vun Mark to Mark, vun Hus to Hus,
- 16 Und wo ik keem, dar weer't en Lust:
- 17 Wer dach wul anne Noth?
- 18 Wer dach wul an den Dod?

- 19 Ik sing noch jümmer fort,
- 20 Un krup vun Ort to Ort,
- 21 Un wenn ik sing vun Lust un Lev,
- 22 Wer fragt mi nu, warum ik bæv?
- 23 Ik sing man jümmer fort,
- 24 Ik sing man jümmer fort.

(Textopus: Ik weer mal junk un schön. Abgerufen am 23.01.2026 von <https://www.textopus.de/poems/56551>)